


Kaisa ri kapɛi Resipe' esi koro'tau mono' pe,
inserɛ Kεpɛrɛrɛɛ ennoko'pɛ Papa uya
Kiyarari awon pata Nasare' itese' pona.
A'pɛ'pɛn uri'san, Meri itese', auro'kato'
iya ike esi'pɛ, Isose', Tepi' pa rɛ'pɛ,
no'pɛ oton pe te'ton.



“Kisi'nəkui, Meri. Wakɛ pe Papa enu
yau iwesi. tumono'tato' oton,
miripantuto' oton warawo' pe,
miripan mese'tii' Sises tukai'.
Eke pe kuruiye'to' oton. Miri
awonsi'ki eke kuru Papa
Mumu Kuri ri tukai', esa'to'
oton. Itepuru Papua Kin pe
iku'to' oton itamokori Tepi'
esi'pɛ kasa, miri awonsi'ki Seko'
payan nɛ'san epuru pe iye'to'
oton inke ri.

Kin pe iye'to'e'nonkato'
oton pen,” ta'pɛ inserɛ uya.



"t'ri kasa si seri e'kupɛ,
a'pi'pɛn uri?" ta'pɛ Meri uya
inserɛ pi'. "Iye'kupɛ ri Papa
A'kwarɛ ri uyepɛ ipona, miri
awonsi'ki Papa meruntirɛ
ereuta ipiyau. Miri pi'
wakɛ mɛre esa'to'
oton Papa Mumu,
tukai'," ta'pɛ
inserɛ uya.



Miri pata'pɛ pe, inke pɛra
Meri ekoneka'pɛ tɛutito'
pe i'kɛrɛ po te'sen pata
Isutiya pon ya'. Pata
eposa' tɛuya a'tai,
Sakaraya iwɛ' ta'
iyewomɛ' pɛ. Miripan
uya, "Miyari,"
ta'pɛ Resipe' pi'.




Resipe' uya Meri maimu etasa'
a'tai, imure utama'pɛ
itewan yau. Resipe' nin si
uta'kwarɛ'ti'pɛ, Papa A
'kwarɛ ke, miripan
usaurokɛ'pɛ eke pe,
"ɛmiri kuru ri si kɛri ri
wakɛ ri uri'san Papa
uya wakɛ ku'sa' man
ipi' tu'kan kon koro'
tapai ayanɛnsa' iya,
miri awonsi'ki imure
niri kanan iten pe
me'ai'ne'."



Seri seri, Sises K̄rai entu'p̄
pantom̄: Isanon pe te'ton
kon, Meri, miri awonsi'ki
Ilose' pokon usauro'sa'
esi'p̄ temari' mato' kon
pe, e'tane to' uta'pit̄
rawiri ri, t̄umono
'tasa' i'tu'p̄ Meri
uya, Wak̄ A'kwar̄
wini. Ilose' esi'p̄ ipokena'
pe te'sen, miripan ekoneka
'p̄ ama'ai imari'mato'
t̄uya ereutan̄'to'
pe t̄uya.



Miri pi' isenuminka'pɛ tɛpo, Papa inserɛɛi uyee'pɛ ipiya'
iye'ne'pitɛ yau, miripan uya ta'pɛ ipi', "Isose', Tepi' pa
rɛ'pɛ, tenari'nɛnse pɛra Meri
anɛnki ino'pɛ pe, apɛne pɛra Wakɛ
A'kwarɛ wini imono'tasa' miri. Warawo'
pe entunɛ'to' iya oton, imɛre mese'tii'
Sises tukai', apɛne pɛra tɛtonpa
ton pika'tito' iya oton pe
iyesi pi' to' makooi
apai," ta'pɛ iya.



Isose' upakasa' uya nin si, Meri
mari'ma'pɛ miri, Itepuru
inserɛɛi uya tauro'ka'pɛ awiri,
miripan uya ari'pɛ tiwɛ' ta',
e'tane iyentu rawiri a'pi
'pitɛ'pɛ iya pen. Miripan
mɛre entusa' ese'ti'pɛ
iya "Sises" tukai'.



Miri a'tai itepuru Akosə'tas uya main ennoko'pə
tanporon kon pata yawon kon ka'pon amə' uya tese' kon
menukato', ti'tuto' kon pe.
Tanporon kon si uti'pə miri
tese' kon menukai'
tətipiya kon
pata'pə ya'.



Isose' niri si uti'pɛ miri Nasare', Kiyarari pon ponsi'ki,
Isutiya pona Tepi' pata'se' Pe'teri'en itese' pona, apɛne
pɛra Tepi' pa rɛ'pɛ pe tesi
pi'. Meri, tɛno'pɛ oton
pokon pe ri
to' uti'pɛ tese'
kon menukai'.



Mono' pe iyese'pɛ (Papa A'kwarɛ mɛre yen pe).



Pe'teri'en po si to' esi
koro'tau, iyentuto' weyu
e'seporo'pɛ miri.



Warawo' pe iyimurewato' entu'pɛ. Miripan onti'pɛ iya
kareku saai'pi'sa' ke, miri awonsi'ki inonka'pɛ iya paka
amɛ' yu yen ya', iuti ton
tau to' pata'se' pɛra iyesi ke.

Meri, tɛno'pɛ
oton pokon
pe ri to'
uti'pɛ
tese'



kon menukai'.



Karimeru amɛ' pa'simanin nan esi'pɛ ewarupi nau itɛi
po tikɛn kon pa'sima pɛ'. Miri ya', Itepuru inserɛɛi
uyee'pɛ to' piya', miri awonsi'ki

Papa winipaino a'kwa

uya to'
wei'ti'pɛ.
Ipan pe ri to'
usi'nɛkɛ'pɛ.



E'tane inseru uya ta'pu to' pi', "Kisi'nũ'tuu! Waku itekare
ne'sa' uya seri iiwano' kon pe, tanporon kon ni
ka'pon amu' pori'ma pi' te'ton. Seri
ewarupii tau Tepi'

pata'se'
yau
ipika'tinin
kon entusa'
man,

Kurai,
Itepuru."



"Se esi miri ento' auya'nokon ipi' pe. Se kasa eporo auya'nokon miri. Iwontisa' pe mre esi kareku saai'pi'sa' ke, miri awonsi' ki paka amɛ' yu yen yau iyesei," ta'pɛ iya.





Miri koro'tau, kəri ri inseru piyau tu'kan kon inseru amu'
esi'pu userenkan pi', "Eke kuru Papa esi
ka'tawon, miri awonsi'ki non po niri
tuusewankamai' pəra
ka'pon

amu' e'to' pe
ikupu iya, kamo
waku tato' tuuya ton
ni pi'," tukai' to' userenka'pu.



Pɛsamoro si inserɛ amɛ' enna'po'pɛ Epɛn pona
a'tai, kamoro karimeru pa'simaninnan usaurokɛ'pɛ,
"Pe'teri'en pona utɛnpai'nokon man, serɛ lɛpuru
nekama' pɛ upi'nokon ense'na," ta'pɛ to' uya.



Tɔusenutii' to' uti'pɛ. Miri a'tai Meri miri awonsi'ki Isole' eporo'pɛ to' uya, miri awonsi'ki mɛre esi'pɛ paka amɛ' yu yen yau. Ene tɛpo, inserɛ nekama'pɛ ekama'pɛ to' uya tu'kan kon ka'pon amɛ' pi' pɛse ri mɛre pi' isaurokɛ'pɛ rɛ'pɛ pi'.



Sises entu'pɛ tɛpo
Pe'teri'en po Isutiya
yau, kin pe Era' esi
a'tai, pu'kena' amɛ'
uyee'pɛ wɛi enu
uyepɛ winipai

Surusiran pona, miripan kon uya,
"Nai airi mɛre, Esuwerɛ amɛ' kin
pe te'ton entusa'nai? Kaiyono' epa
'kasa' ene'pɛ ina uya iyentusa'
ekamanin. Miri pi'apuripi' se'na
ina uye'sa'," ta'pɛ to' uya.



Seri etasa' Era' uya
a'tai, t̄m̄aimu ennoko'
p̄ iya pu'kena' am̄
piya' to' pokonpe
ama'ai te'sepoto' kon
pe, miripan kon wini
eta'p̄ iya, miri a'tai
kaiyono' epa'
ka'p̄ tukai'.



Miripan kon ennoko'p̄ iya
Pe'teri'en pona, "Wak̄ pe
m̄re m̄warinpat̄i'.
Eposa' auya'nokon a'tai,
upana'tii' misi't̄i', uri ri
niri utito' pe apuripi'
se'na," ta'p̄ iya.



Kin maimu eta tɕuya'nokon tɕpo, to' uti'pɕ, miripan kon
uya kaiyono' kanan enkaa'pɕ, tɕnene'pɕ kon nɕ'pɕ

wɕi enu uyepɕ wini, miripan pi' to'
epori'ma'pɕ. Miri a'tai, pu'kena'
amɕ' ewomɕ'pɕ iuti ta'. Mɕre si
ensa' tɕuya'nokon a'tai, isan,
Meri pokon pe, to'
e'sekunka'pɕ
apuripitɕ pe.



Miri a'tai, timamin kon yen a'koka'pɛ to' uya, miripan
kon uya irepapitɛ'pɛ epe'kena' ton ke: korɛ ke, a'po'
nan ikitun, pɛrankensens tato' ke miri awonsi'ki
karapa, mirɛ tato' ke. Papa uya
to' pana'ti'pɛ to' e'ne'pitɛ yau, to'
enna'po namai' kin pe te'sen
Era' piya', miripan
kon enna'po'pɛ
tɛpata kon ya'
tɛron ni awiri.





To' uti'pə təpo, Itepuru
inseṛṛi useṇpoika'pə
Ise' piya' iye'ne'pitə yau,
"Ise', e'mə'sa'ka', məre
miri awonsi'ki isan
tanəse ainəṅki Isi'
pona. Kin Era' man
iwarinpa pi' iwito'
pe təuya," ta'pə iya.





Miripan e'mə'sa'kasa' uya
məre miri awonsi'ki isan
ari'pə ewarupi nau Isi' pona,
miripan kon uko'mamə'pə
Era' uma'ta pona ri. Pena
pu'kena' amə' nekama'
pə uta'ku'ti'pə, "Umu
ki'ma uya Isi'
apai," tawon.



Era' uya i'tusa' a'tai pu
'kena'amɛ' uya tennakasa',
ipan pe isakorota'pɛ,
miripan uya, ...



... "Warawo' munki amə' Pe'teri'
en pon kon itə'kati' asa'ron
wəipiya airon kon miri
awonsi'ki miri o'koi'no kon ni,"
ta'pə iya, pu'kena' amə' uya
ekama'pə rə'pə pi'.





Era' uma'ta'pɛ tɛpo, inserɛ
usenpoika'pɛ iye'ne'pitɛ
yau Isose' piya', Isi' po,
"E'mɛ'sa'ka', mɛre miri
awonsi'ki isan aki Esuwerɛ
pata pona. Kamoro
mɛre wini i'se te'san
uma' ta'pɛ man,"
ta'pɛ iya.



E'tane A'keras enasa'
tukupun# Era' pata
'p# ya' kin pe Isutiya
po eta'p# iya.



Enari'ke' pe iyesi'p#,
miri ya' itipai p#ra.



Ipanamasa' esi'pɥ
iye'ne'pitɥ yau,
miripan uti'pɥ
Kiyarari nono
pona.



Miripan
uti'pɥ iko'manse'na
Nasare' pona. Pu'kena' ton
nekama'pɥ uta'ku'ti'pɥ miri,
"Nasarin tukai' esa'to' oton," tawon.



Ipan pe seri non pon kon i'nunka tɔuya
wenai, Papa uya tikin nan kuru tɔmu
tɔrɔ'pɔ tanporo apurinin nan pe
te'san uma'ta namai', e'tane
tiwiri ri uko'man nito'
epoto' pe to'uya.



Ron 3:23 apune p̄ra tanporon kon n̄ umakoitasa' miri
awonsi'ki to' u'ma'sa' mi airi ri eke pe Papa
ku'to' tepose p̄ra.

Ron 6:23 Apune p̄ra makoi epe'p̄ esi uma'tan nito',
e'tane Papa e'repato' ike esi inke uko'man nito' K̄rai
Sises, uyepuru kon poro.

Ipuru 9:27 Ka'pon erik̄ tikin ite'kwa na'ne' kasa,
miri t̄po eseru aimenkato' epoton pe,

E 'pe' sas 2:8,9 Apune p̄ra wak̄ nonkasa' wini
iyepika'tisa' kon, apurito' poro—miri awonsi'ki seri esi
iwinon kon pen, Papa n̄t̄ur̄n̄ miri— t̄rawaso pikiron
pen, in̄' ri utapuri namai'.



Ron 10:9,10 Anta ke ekama auya yau, "Sises esi Epuru wannɪ," tukai', miri awonsi'ki apurii'ma iyewan yau Papa uya i'mɛ'sa'ka'pɛ iyeri'sa' apai, iyepika'ti ri. Apɛne pɛra iyewan pokon pe apuri auya miri awonsi'ki iyekoneka, miri awonsi'ki anta ke ekama auya miri awonsi'ki si iyepika'ti.

Isaan 3:16,17 Ipan pe seri non pon kon i'nɛnka tɛuya wenai, Papa uya tiki nan kuru tɛmu tɛrɛ'pɛ tanporo apurinin nan pe te'san uma'ta namai', e'tane tiwiri ri uko'man nito' epoto' pe to' uya. Papa uya tɛmu enno'sa' pɛra iyesi seri non pon kon eseru aimenkanin pe, e'tane to' epika'tito' pe iporo.



1 Isaan 5:11-13 Seri si inekamanɛ: Papa uya tiwiri uko'man nito' ke repan nisa', seri si uko'man nito' esi imu yau. Kɛri imu esa' pe na'ne' esi uko'man nito' esa' pe; kɛri imu esa' pe pɛra na'ne' esi uko'man nito' esa' pe pɛra. Seri ton menuka uya seri iyena'nokon imiri'nokon Papa Mumu ese' apurinin nan, i'tu kon pa inke uko'man nito' esa' pe iwesi kon tukai'.



Ma' siu 1-2; ʘru' 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Akawaio Bible (ake) © 2010, Wycliffe Bible Translators,
Inc. All rights reserved.

<https://www.bible.com/bible/308/MAT.1> -

©2026 Bible for Children, Inc.

www.M1914.org

www.bibleforchildren.org

